



«АЛТЫН САҚА» ОЛИМПИАДАСЫНЫҢ МЕКТЕПШІЛІК КЕЗЕҢІН ӨТКІЗУ БОЙЫНША НҰСҚАУЛЫҚ (3-4 сыныптар арасында)

1. «Алтын сақа» олимпиадасы бекітілген Ережемен осы Нұсқаулыққа сәйкес өткізіледі.
2. Ұйымдастырушылар осы олимпиаданың мақсаттарының орындалуы мен принциптерінің сақталуына және барынша адал бәсекелестікті қамтамасыз етуіне жауапты. Егер қатысушылар әр кезеңде ашықтық пен адалдықты сақтамаса, нәтижесі бойынша ол мектеп екі жыл қатарынан олимпиадаға қатысу құқығынан айырылады.
3. «Зерделі» ақыл-ой дамыту мектебі тарапынан өңірлік Дарын орталықтарына олимпиаданың өтуі туралы ақпараттық хат пен олимпиада Ережесі жолданады. Хатта мектепшілік кезеңге тіркелу сілтемесі жүктеледі.
4. Аталмыш хат «Зерделі» ақыл-ой дамыту мектебінің өңірлік орталықтарына да (бұдан әрі - Орталық) жолданады.
5. Қатысушылар мектепшілік кезеңге сілтеме арқылы тіркеледі.
6. Қатысушылар саны бойынша шектеулік жоқ.
7. Тіркелу хатта көрсетілген мерзімде, атап айтқанда 2023 жылғы 22 қыркүйек күні сағат 18:00 -де аяқталады.
8. «Зерделі» ақыл-ой дамыту мектебінің жауапты тұлғасы (бұдан әрі - Ұйымдастырушы) 2023 жылғы 23 қыркүйек күні жоғарыда аталған сілтемеден қатысушылар тізімін жүктеп алады, сұрыптайды және 2023 жылғы 25 қыркүйек күні Орталықтарға Excel кестесі түрінде жалпы тізім жолдайды.
9. Облыстардағы орталықтардың жауапты тұлғалары аталмыш тізімді аудандар бойынша (қалалар қала аудандары бойынша) орналасқан мектептер тізімдеріне сәйкес жіктейді.
10. Орталықтармен жіктелген тізімдер Дарын орталықтарына және мектептердің жауапты мамандарына 2023 жылғы 26 қыркүйек күні жіберіледі.
11. Облыс оқушыларының толық тізімі, оқушылар туралы жеке мәлімет өзіне тиесілі өңірден басқа аудан, мектептерге таралмауы керек.
12. Олимпиаданың мектепшілік кезеңінің тапсырмалары «Зерделі» ақыл-ой дамыту мектебі тарапынан Дарын орталықтарының маманына немесе алдын-ала ашылған WhatsApp желісіндегі чат арқылы бір уақытта барлық облыстарға (қалаларға) жіберіледі.

13. Олимпиаданың басталу күніне дейін «Зерделі» ақыл-ой дамыту мектебі тарапынан онлайн режимінде zerdeli.kz ютуб каналы, @rsbek.Mauit инстаграм парақшасында:

2023 жылдың 27 қыркүйек күні сағат 20.00-де – мектептердің жауапты мамандарына олимпиаданы өткізу бойынша нұсқаулық;

2022 жылдың 28 қыркүйек күні сағат 20.00-де – 3 сынып оқушыларына өткен олимпиада есептерін талдау;

2022 жылдың 29 қыркүйек күні сағат 20.00-де – 4 сынып оқушыларына өткен олимпиада есептері талдау.

14. Мектепішілік кезең **2023 жылдың 06 қазан күні сағат 12.00-де** (Астана уақытымен) өтеді.

15. Барлық өңірлер бір уақытта бастап, бір уақытта аяқтайды.

16. Қосымша уақыт берілмейді.

17. Белгіленген уақыттан кешіккен оқушылардың жұмыстары қабылданбайды.

18. Олимпиаданың бірінші және екінші кезеңдерінің тапсырмалары жалпы екі бөлімнен тұрады.

Екі бөлімге берілетін жалпы уақыт - 60 минут, осы уақыт аралығында әр бөлімдегі тапсырмаларды орындау арқылы алынған ең жоғарғы ұпай 100 ұпай болып саналады.

Бірінші бөлім. Тест жұмысы, 10 есеп беріледі, әр дұрыс жауапқа 5 ұпай, жалпы ұпай саны 50.

Екінші бөлім. Бос орынды толықтыру, 10 есеп беріледі, мұнда оқушылар тек жауаптарын толтырады. Әр дұрыс жауапқа 5 ұпай беріледі, жалпы ұпай саны 50.

19. Олимпиада тапсырмаларын тексеру үшін әр мектеп мүшелер саны так қазылар алқасын құрайды.

20. Қазылар алқасының басты міндеттеріне олимпиаданың ашықтығын, академиялық адалдығын, объективті түрде өтуін қадағалау, тапсырмаларды тексеру, олимпиада барысында бір-бірінен көмек сұрау, көшіру, техникалық құралдар қолдану (ұялы телефон, смарт сағат, т.б.) фактілерінің болмауын қадағалау және қорытынды шығару жатады. Қазылар алқасы ереже бұзушылықтың орын алғанын анықтаған жағдайда, қандай шара қолдану керектігін шешеді. Ықтимал шараларға жеке қатысушыны немесе бүкіл команданы олимпиададан шеттету жатады.

21. Олимпиада аяқталғаннан кейін 07 қазан сағат 12.00-де (Астана уақытымен) 3-сыныптарға арналған координацияға, 07 қазан сағат 14.00-де (Астана уақытымен) 4-сыныптарға арналған координацияға қатысу zerdeli.kz ютуб каналы, @rsbek.Mauit инстаграм парақшасына, «Алтын сақа» телеграмм каналына тіркелу арқылы жүзеге асырылады.

22. Мектепішілік кезеңнің қорытындысына сәйкес аудандық кезеңге келесі қатысушылар саны жолданады:

Мектептердің оқыту тілі	Қатысушылар саны	
	3 сынып	4 сынып
Қазақ	3	3

Орыс	3	3
Аралас	3	3

*Аралас тілде оқытатын әр мектептен 3-4 сыныптардан жалпы 3 (үш) қатысушыға аудандық кезеңге жолдама беріледі.

23. Олимпиада қорытындысын (хаттамаларды) excel форматында мектептер (аудандар) үш жұмыс күні ішінде 11.10.2023ж. дейін өңірлік Дарын орталықтарының жауапты маманына жібереді. Дарын орталығының маманы облыс бойынша жинақтап ұйымдастырушының поштасына жібереді.

24. Олимпиада қорытындысы, олимпиадалық тапсырмалардың талдау барысы туралы мәлімет әлеуметтік желілерде, яғни zerdeli.kz ютуб каналы, @rsbek.Mauit инстаграм парақшасына, «Алтын сақа» телеграмм каналына жарияланады.